



Broj: 01/1-50-1-17/07

Sarajevo: 26.06.2007. godine

Z A P I S N I K
sa 17. sjednice Ustavnopravne komisije

Sjednica je održana 26.06.2007.godine s početkom u 10,00 sati.

Sjednici su prisustvovali članovi Komisije: **Šefik Džaferović, Lazar Prodanović, Momčilo Novaković, Ekrem Ajanović, Martin Raguž i Velimir Jukić.**

Članovi Komisije Halid Genjac, Drago Kalabić i Adem Huskić su opravdali svoj izostanak.

Pored članova Komisije sjednici su prisustvovali ispred Ministarstva civilnih poslova: Esma Hadžagić i Zlatko Horvat; Maja Ribar - OHR; Šejla Kumašin i Gordana Ivanović – OSCE; Nina Lakomica – Istraživački sektor PSBiH; Igor Bunić – sekretar člana Komisije Drage Kalabića.

Sjednici je prisustvovao Milan Zjajić, odlazeći sekretar Komisije, Igor Bajić, novi sekretar Komisije, pripravnik Đenita Pašić zaposlena u Sekretarijatu PS BiH i student stažista Ajdin Brčaninović.

Sjednica je završena u 11,30 sati.

Predsjedavajući Komisije je predložio, da se kao 3. tačka dnevnog reda, uvrsti Prijedlog zakona o izmjenama i dopunama Zakona o parničnom postupku pred Sudom BiH, što je Komisija jednoglasno prihvatila, tako da je usvojen sljedeći dnevni red:

D N E V N I R E D :

1. Verifikovanje Zapisnika sa 16. sjednice održane 05. i 12.06.2007. godine;
2. Prijedlog zakona o radu i zapošljavanju Bosne i Hercegovine, predlagač Šemsudin Mehmedović;
3. Prijedlog zakona o izmjenama i dopunama Zakona o parničnom postupku pred Sudom BiH;
4. Prijedlog zakona o izmjenama i dopunama Zakona o javnim nabavkama Bosne i Hercegovine, predlagač Vijeće ministara BiH;
5. Prijedlog zakona o zaštiti planova rasporeda integralnih sklopova, predlagač Vijeće ministara BiH;
6. Prijedlog okvirnog zakona o srednjem stručnom obrazovanju i obuci u Bosni i Hercegovini, predlagač Vijeće ministara BiH;
7. Prijedlog zakona o sportu, predlagač Vijeće ministara BiH;
8. Zahtjev Ustavnog suda BiH za izjašnjenje o Zahtjevu za ocjenu ustavnosti više odredbi Zakona o javnom radiotelevizijskom sistemu BiH („Službeni glasnik“ BiH broj 78/05);
9. Ostala pitanja

Ad. 1. Verifikovanje Zapisnika sa 16. sjednice održane 05. i 12.06.2007. godine;

Komisija je bez primjedbi jednoglasno verifikovala Zapisnik sa 16. sjednice održane 05. i 12.06.2007. godine;

Ad. 2. Prijedlog zakona o radu i zapošljavanju Bosne i Hercegovine, predlagač Šemsudin Mehmedović;

Nakon provedene rasprave, Ustavnopravna komisija je, kao nadležna Komisija, većinom glasova, i to sa 4 glasa “za” i 2 glasa “protiv” podržala principe predloženog Zakona.

Ad.3. Prijedlog zakona o izmjenama i dopunama Zakona o parničnom postupku pred Sudom BiH;

Nakon provedene rasprave, Ustavnopravna komisija je, kao nadležna Komisija, većinom glasova, i to sa 6 glasova “za”, bez glasova “protiv” i bez “uzdržanih”, podržala principe predloženog Zakona.

Ad.4. Prijedlog zakona o izmjenama i dopunama Zakona o javnim nabavkama Bosne i Hercegovine, predlađač Vijeće ministara BiH;

Nakon provedene rasprave, Ustavnopravna komisija je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o javnim nabavkama Bosne i Hercegovine;
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad.5. Prijedlog zakona o zaštiti planova rasporeda integralnih sklopova, predlađač Vijeće ministara BiH;

U raspravi o ovom Prijedlogu zakona su učestvovali Momčilo Novaković, Martin Raguž, Šefik Džaferović i Milan Zjajić. Momčilo Novaković je predložio da se ne raspravlja o Prijedlogu zakona jer nije prisutan predlađač koji bi morao da mu objasni neke stavove iz predloženog Zakona. Predsjedavajući Komisije je stavio ovaj prijedlog na glasanje, te sa 2 glasa „za“ i 4 glasa „protiv“, ovaj prijedlog nije dobio potrebnu većinu.

Nakon toga, Komisija je sa većinom glasova, i to sa 4 glasa “za” i 2 glasa “protiv” utvrdila sljedeće:

1. Postoji valjan ustavno-pravni osnov za donošenje Zakona o zaštiti planova rasporeda integralnih sklopova;
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad.6. Prijedlog okvirnog zakona o srednjem stručnom obrazovanju i obuci u Bosni i Hercegovini, predlađač Vijeće ministara BiH;

Nakon provedene rasprave, Ustavnopravna komisija je većinom glasova, i to sa 4 glasa “za” i 2 glasa “uzdržana” utvrdila sljedeće:

1. Postoji valjan ustavno-pravni osnov za donošenje Zakona o srednjem stručnom obrazovanju i obuci u Bosni i Hercegovini,
2. Ponuđeni tekst je usklađen sa Ustavom Bosne i Hercegovine i
3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Komisija je većinom glasova, i to sa 4 glasa “za” i 2 glasa “uzdržana” podržala principe predloženog Zakona.

Ad.7. Prijedlog zakona o sportu, predlađač Vijeće ministara BiH;

Provedena je rasprava o ovom Prijedlogu zakona u kojoj su učestvovali Šefik Džaferović, Ekrem Ajanović, Martin Raguž, Velimir Jukić i Momčilo Novaković. Momčilo Novaković je tražio od predstavnika predlađača ovog Zakona da objasne ustavni osnov i principe zakona, nakon čega su gospodin Zlatko Horvat i gospođa Esma Hadžagić iznijeli svoje stavove. Velimir Jukić je predložio da se na ovoj sjednici glasa samo o usaglašenosti Zakona sa Ustavom BiH, pa da se nakon toga raspravlja o proceduralnim pitanjima i da se otvori javna rasprava o ovom Prijedlogu zakona. Predsjedavajući Komisije je stavio na glasanje prijedlog da se na ovoj sjednici Komisija izjasni o usaglašenosti Prijedloga zakona sa Ustavom BiH, što je prihvaćeno većinom glasova, i to sa 4 glasa “za” i 2 glasa “uzdržana”, te je Komisija utvrdila sljedeće:

1. Postoji valjan ustavno-pravni osnov za donošenje Zakona o sportu u Bosni i Hercegovini,
2. Ponuđeni tekst je usklađen sa Ustavom Bosne i Hercegovine i
3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Predsjedavajući je stavio na glasanje prijedlog da se na ovoj sjednici glasa i o zakonskim principima, te taj prijedlog, sa 2 glasa „za”, 2 glasa „protiv” i 2 glasa „uzdržan”, nije dobio većinu, te se Komisija nije izjašnjavala o zakonskim, principima ovog Prijedloga zakona.

Ad.8. Zahtjev Ustavnog suda BiH za izjašnjenje o Zahtjevu za ocjenu ustavnosti više odredbi Zakona o javnom radiotelevizijskom sistemu BiH („Službeni glasnik“ BiH broj 78/05);

Provedena je opšta rasprava u vezi sa ovim zahtjevom u kojoj su učestvovali Martin Raguž, Velimir Jukić, Šefik Džaferović, Momčilo Novaković i Milan Zjajić. Velimir Jukić smatra da u ovom Zakonu ima dosta spornih rješenja te smatra da ovom pitanju treba da se odluči na narednoj sjednici Komisije.

Martin Raguž smatra da se ovdje radi o tome da se uvode evropski standardi Javnog servisa i da je potrebno da se raspravi o meritumu zahtjeva.

Predsjedavajući Komisije smatra da ovim Zakonom nisu povrijeđeni vitalni interesi niti jednog konstitutivnog naroda u BiH.

Nakon završene rasprave, Predsjedavajući Komisije je stavio na glasanje prijedlog da se na današnjoj sjednici Komisija ne izjašnjava o ovom zahtjevu što je i usvojeno većinom glasova i to sa 4 glasa „za“ i 2 glasa „protiv“ ovog prijedloga. Komisija je utvrdila da se rasprava o ovoj tački dnevnog reda odgodi za neku narednu sjednicu Komisije.

Ad.9. Ostala pitanja

- **Zahtjev Ustavnog suda za autentično tumačenje usaglašenosti Pravilnika o naknadama za putne troškove sudija Ustavnog suda BiH sa Zakonom o platama i drugim naknadama u sudskim i tužilačkim institucijama na nivou BiH;**

Ustavnopravna komisija je, nakon provedene rasprave, utvrdila da se ova tačka dnevnog reda odgodi za narednu sjednicu, kako bi potrebni materijali bili podijeljeni članovima Komisije.

Kako nije bilo više drugih pitanja, predsjedavajući Komisije je zaključio sjednicu u 11,30 sati.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Šefik Džaferović